


FEDERALNA UPRAVA POLICIJE- Informacija o stanju kriminaliteta-sigurnosti u FBiH za APRIL 2024. godine

Bosna i Hercegovina
Federacija Bosne i Hercegovine
FEDERALNO MINISTARSTVO UNUTRAŠNJIH POSLOVA
FEDERALNO MINISTARSTVO UNUTARNJIH POSLOVA
FEDERALNA UPRAVA POLICIJE
SARAJEVO



Bosnia and Herzegovina
Federation of Bosnia and Herzegovina
MINISTRY OF INTERNAL AFFAIRS OF FEDERATION
OF BOSNIA AND HERZEGOVINA
POLICE ADMINISTRATION
SARAJEVO

**INFORMACIJA
O STANJU KRIMINALITETA – SIGURNOSTI**
na području Federacije BiH za APRIL 2024. godine

Sarajevo, MAJ 2024. godine

SADRŽAJ

I UVOD	1
II OPĆE STANJE SIGURNOSTI U FBiH	4
III KRIMINALITET.....	9
KRIVIČNA DJELA IZ KRIVIČNOG ZAKONA BOSNE I HERCEGOVINE	10
KRIVIČNA DJELA IZ KRIVIČNOG ZAKONA FEDERACIJE BOSNE I HERCEGOVINE.....	11
KRIVIČNA DJELA PROTIV ŽIVOTA I TIJELA	13
KRIVIČNA DJELA PROTIV SLOBODE I PRAVA ČOVJEKA I GRAĐANINA.....	14
KRIVIČNA DJELA PROTIV SPOLNE SLOBODE I MORALA	14
KRIVIČNA DJELA PROTIV BRAKA, PORODICE I MLADEŽI	14
KRIVIČNA DJELA PROTIV ZDRAVLJA LJUDI.....	15
KRIVIČNA DJELA PRIVREDNOG, FINANSIJSKOG KRIMINALA I KORUPCIJE	18
KRIVIČNA DJELA PROTIV IMOVINE	20
OTUĐENJA MOTORNIH VOZILA NA PODRUČJU FEDERACIJE BiH	21
KRIVIČNA DJELA PROTIV OKOLIŠA, POLJOPRIVREDE I PRIRODNIH DOBARA.....	22
KRIVIČNA DJELA PROTIV OPĆE SIGURNOSTI LJUDI I IMOVINE	22
KRIVIČNA DJELA PROTIV SIGURNOSTI JAVNOG PROMETA	22
KRIVIČNA DJELA PROTIV PRAVOSUĐA.....	22
KRIVIČNA DJELA PROTIV JAVNOG REDA I PRAVNOG PROMETA	22
KRIVIČNA DJELA SISTEMA ELEKTRONSKE OBRADE PODATAKA	23
OSTALA KRIVIČNA DJELA PREMA KZ FBiH	23
KRIVIČNA DJELA IZ DRUGIH POSEBNIH ZAKONA	23
SAMOUBISTVA.....	24
UČEŠĆE MALOLJETNIKA U IZVRŠENJU KRIVIČNIH DJELA	26
IV STANJE JAVNOG REDA I MIRA NA PODRUČJU FEDERACIJE BiH.....	29
V STANJE SIGURNOSTI SAOBRAĆAJA NA PODRUČJU FEDERACIJE BiH	32
VI AKTIVNOSTI POLICIJE NA PODRUČJU FEDERACIJE BiH.....	37
VII INFORMACIJE O MIGRANTSKOJ POPULACIJI	42

I UVOD

U skladu sa članom 65. i 66. tačke 2 i 3. Zakona o unutrašnjim poslovima Federacije Bosne i Hercegovine ("Službene novine F BiH", broj 81/14) i člana 9. Instrukcije o međusobnom izvještavanju o pojavama u oblasti javne sigurnosti između FMUP-a Bosne i Hercegovine i kantonalnih ministarstava unutrašnjih poslova u Federaciji o pitanjima koja su od interesa za sigurnost Federacije Bosne i Hercegovine broj: 09-1608 od 26.07.2007.godine i Uputstva o popunjavanju statističkih obrazaca broj: 09-1609 od 26.07.2007. godine, sačinjena je Informacija o stanju kriminaliteta - sigurnosti na području Federacije Bosne i Hercegovine za april 2024. godine, i ista je urađena po standardiziranoj metodologiji na temelju statističkih podataka dobijenih od strane kantonalnih ministarstava unutrašnjih poslova – Uprava policije i Federalne uprave policije.

Kako bi se uspješno provodile ustavne i zakonske nadležnosti Federalne uprave policije i kantonalnih ministarstava unutrašnjih poslova, agencije su obavezne da se pridržavaju člana 38. (Međusobno obavještanje Uprave policije i kantonalnih ministarstava unutrašnjih poslova), člana 65. i 66. (Odnos Federalnog ministarstva unutrašnjih poslova i Uprave policije sa kantonalnim ministarstvima) Zakona o unutrašnjim poslovima Federacije Bosne i Hercegovine („Službene novine F BiH“, broj 81/14).

Koordinacija rada policijskih agencija u Federaciji BiH vršena je kroz održavanje sastanaka direktora Federalne uprave policije i komesara/direktora kantonalnih ministarstava unutrašnjih poslova gdje su razmatrana strateška, organizaciona i operativna pitanja zajedničkog funkcionisanja, a u cilju stvaranja sigurnosnog ambijenta na prostoru čitave Federacije Bosne i Hercegovine.

Informacija o stanju kriminaliteta - sigurnosti na području Federacije Bosne i Hercegovine sublimira kriminalitet, javni red i mir, sigurnost saobraćaja i aktivnost policije u aprilu 2024. godine, a što se može vidjeti kroz statističke pokazatelje kantonalnih ministarstava unutrašnjih poslova u Federaciji Bosne i Hercegovine i pokazatelje rada Federalne uprave policije – Federalnog ministarstva unutrašnjih poslova.

II OPĆE STANJE SIGURNOSTI U FBiH


Stanje sigurnosti na području Federacije Bosne i Hercegovine, u aprilu 2024. godine u odnosu na isti mjesec 2023. godine, prema statističkim podacima kantonalnih Ministarstava unutrašnjih poslova i Federalne uprave policije, prezentovanih po zadatim segmentima (tabela 1.) karakteriše povećanje:

- * broja izvršenih krivičnih djela za 147 (ili 12,75%)
- * broja registrovanih prekršaja iz oblasti javnog reda i mira za 317 (ili 25,40%),
- * broja saobraćajnih nesreća za 55 (ili 2,74%),
- * kao i broja napada na ovlaštena službena lica za tri (ili 100%).

APRIL 2024/2023.	2023. GODINA	2024. GODINA	RAZLIKA	%TREND 2024/23.
KRIMINALITET (BROJ KD)	1153	1300	147	12.75%
JAVNI RED I MIR (BROJ PREKRŠAJA)	1248	1565	317	25.40%
SAOBRAĆAJNE NESREĆE (BROJ SN)	2005	2060	55	2.74%
NAPADI NA OVLAŠTENA SLUŽBENA LICA (BROJ NAPADA NA OSL)	3	6	3	100.00%

Tabela 1.: Kvantitativni pokazatelji segmenata sigurnosti na području F BiH

U narednim grafikonima prezentovani su gore navedeni segmenti posmatrani po udjelu kantonalnih Ministarstava unutrašnjih poslova u ukupnom broju, te su dati osvrti na sveukupno stanje sigurnosti posmatrano po prezentovanim segmentima, ali i procjena stanja sigurnosti u posmatranim segmentima ove Informacije o stanju kriminaliteta-sigurnosti na području Federacije Bosne i Hercegovine.



Grafikon 1.: Ukupan broj evidentiranih krivičnih djela na području F BiH

Posmatrajući ukupan broj evidentiranih krivičnih djela u Federaciji Bosne i Hercegovine razvrstanih po kantonima i broju istih u Federalnoj upravi policije, (Grafikon 1.) tokom mjeseca aprila 2024. godine može se konstatovati povećanje za 147 (ili 12,75%) u odnosu na isti mjesec 2023. godine. Povećanje broja evidentiranih krivičnih djela zabilježeno je na području nadležnosti većeg broja kantona osim Posavskog kantona, Tuzlanskog kantona, Srednjobosanskog kantona, Kantona - 10 Livno i Federalne uprave policije.

Policijski službenici u FBiH radeći na dokumentovanju i otkivanju krivičnih djela evidentirali su 11 krivičnih djela po Krivičnom zakonu Bosne i Hercegovine što je povećanje za sedam u odnosu na april 2023. godine, dok su po Krivičnom zakonu Federacije Bosne i Hercegovine evidentirali 1.276 što je povećanje za 132 (ili 11,54%).

Povećanje broja krivičnih djela u odnosu na april 2023. godine evidentirano u oblastima: protiv života i tijela, protiv braka porodice i mladeži, protiv zdravlja ljudi, iz oblasti poreza, protiv imovine, protiv okoliša i poljoprivrede i prirodnih dobara, protiv sigurnosti javnog prometa, protiv javnog reda i pravnog prometa, protiv službene i druge odgovorne funkcije, te oblasti krivičnih djela iz drugih posebnih zakona.

Smanjenje broja krivičnih djela zabilježeno u oblastima: protiv slobode i prava čovjeka i građanina, protiv spolne slobode i morala, protiv privrede poslovanja i sigurnosti platnog prometa, protiv opće sigurnosti ljudi i imovine, protiv pravosuđa te u oblasti ostalih krivičnih djela prema KZ FBiH u odnosu na uporedni mjesec 2023. godine.¹

U oblasti krivičnih djela iz sistema elektronske obrade podataka zabilježen je isti broj krivičnih djela kao u uporednom mjesecu 2023. godine.

Broj krivičnih djela protiv života i tijela na području FBiH (Glave XVI Krivičnog zakona Federacije Bosne i Hercegovine) je u povećanju za 10 (ili 18,87%) u odnosu na april 2023. godine. Tokom izvještajnog mjeseca evidentirana su dva krivična djela iz člana 166. KZ FBiH – „Ubistvo“ po poznatom počiniocu na području nadležnosti Tuzlanskog kantona i Unsko-sanskog kantona (u aprilu 2023. godine – evidentirano je jedno krivično djelo) te tri krivična djela iz člana 166. KZ FBiH u vezi sa članom 28. KZ FBiH – „Ubistvo u pokušaju“ (u uporednom mjesecu 2023. godine evidentirana su dva krivična djela).²

Pregledom podataka sa područja Federacije BiH koji obuhvataju krivična djela počinjena protiv slobode i prava čovjeka i građanina (Glava XVII KZ F BiH) može se

¹ Za detaljniji prikaz povećanja, odnosno smanjenja ovih krivičnih djela pogledati tabele „Pokazatelji kriminaliteta po glavama KZ BiH/ KZ FBiH na području BiH“, strana 10. i 11.


² Tabela prikaz krivičnih djela iz Glave XVI KZ FBiH, pogledati na strani 13., tabela broj 6 i 7

konstatovati smanjenje za 24 (ili 32,88%) u odnosu na april 2023. godine kao i oblasti krivičnih djela protiv spolne slobode i morala (Glava XIX KZ FBiH) gdje je evidentno smanjenje za osam (ili 53,33%) krivičnih djela.

Analizom krivičnih djela protiv javnog reda i pravnog prometa (Glave XXX KZ FBiH) evidentno je povećanje za četiri djela (ili 5,26%) tokom aprila 2024. godine. Broj evidentiranih i dokumentovanih krivičnih djela iz oblasti zloupotrebe opojnih droga je u povećanju za 82 (ili 58,57%), kao i broj prijavljenih lica sa osnovom sumnje za izvršenje ovih djela za 74 (ili 52,86%).³

U oblasti krivičnih djela privrednog, finansijskog kriminala i korupcije na području Federacije Bosne i Hercegovine evidentirana su 34 krivična djela što je povećanje za četiri (ili 13,33%) u odnosu na uporedni mjesec 2023. godine.

Sagledavajući i rezimirajući segment kriminaliteta, kroz evidentirana krivična djela počinjena tokom aprila 2024. godine, a komparirajući navedena sa istim mjesecom 2023. godine, može se zaključiti da stanje sigurnosti iz ovog segmenta, na području Federacije Bosne i Hercegovine bilo zadovoljavajuće.




Grafikon 2.: Pokazatelji broja prekršaja iz oblasti JRM na području F BiH

Povećanje broja evidentiranih prekršaja iz oblasti javnog reda i mira tokom izvještajnog mjeseca 2024. godine u odnosu na isti mjesec 2023. godine zabilježeno je na području većeg broja kantona što u ukupnom broju evidentiranih prekršaja predstavlja povećanje za 317 (ili 25,40%) prekršaja kako slijedi u tabeli broj 20. U oblasti prekršajnih sankcija izdato je 1.277 prekršajnih naloga što je povećanje za 356 (ili 38,65%).

³ Krivična djela iz oblasti zloupotrebe droga prezentovana na strani 14- 16, tabele broj 8 i 10.

Kada je riječ o oduzetom nelegalnom oružju i minsko-eksplozivnim sredstvima povećan je broj oduzetih komada eksplozivnih naprava i sredstava te noževa, mačeva, sablji kao i drugih predmeta podobnih za nanošenje tjelesnih ozlijeđa tokom aprila 2024. godine u odnosu na isti mjesec 2023. godine.⁴

Sagledavajući stanje javnog reda i mira kroz pokazatelje broja evidentiranih prekršaja i broja izdatih prekršajnih naloga iz oblasti javnog reda i mira u aprilu 2024. godine u odnosu na isti mjesec 2023. godine zaključuje da je stanje nije povoljno.



Grafikon 3.: Pokazatelji broja saobraćajnih nesreća na području F BiH

Tokom aprila 2024. godine na području Federacije Bosne i Hercegovine evidentirano je povećanje broja saobraćajnih nesreća na području većeg broja kantona što u konačnici prema statističkim podacima prikupljenim sa područja Federacije Bosne i Hercegovine daje prikaz povećanja ukupnog broja saobraćajnih nesreća za 55 (ili 2,74%) u odnosu na isti mjesec 2023. godine. Broj povrijeđenih lica u saobraćajnim nesrećama bilježi trend povećanja za 30 kao i broj poginulih lica koji je veći za četiri. Po kategoriji učesnika u saobraćajnim nesrećama poginula lica pripadaju: kategoriji vozača – deset i putnika – dva i pješaka - dva.⁵


Pojačan preventivni rad policijskih službenika u Federaciji Bosne i Hercegovine, i primjena raspoloživih represivnih mjera, rezultirao je pokazateljima koji referišu povećanje broja kontrolisanih vozila i vozača i broja pregledanih vozila, povećanje broja

⁴ Pokazatelji oduzetog nelegalnog oružja i drugih predmeta na području FBiH prikazani u tabeli na strani 29., tabele 25.

⁵ Kvantitativne pokazatelje vezane za sigurnost saobraćaja pogledati na strani 30 - 33.

izdatih prekršajnih naloga, broja isključenih vozila zbog tehničke neispravnosti, te broja vozača zatečenih da upravljaju vozilima pod uticajem alkohola i bez položenog vozačkog ispita .. tokom aprila 2024. godine u odnosu na uporedni mjesec 2023. godine.⁶

Kao zaključak navodi se da je stanje sigurnosti u segmentu saobraćaja za april 2024. godine zadovoljavajuće, u odnosu na uporedni mjesec 2023. godine na području Federacije Bosne i Hercegovine.



Grafikon 4.: Pokazatelji broja napada na policijske službenike na području F BiH

Tokom mjeseca aprila 2024. godine evidentirano je šest napada na ovlaštena službena lica što je više za tri u odnosu na uporedni mjesec 2023. godine. Napadi na policijske službenike zabilježeni su na području nadležnosti: Unsko-sanskog kantona i Kantona Sarajevo – po dva napada te Zeničko-dobojskog kantona i Srednjobosanskog kantona – po jedan napad.⁷

Sagledavajući sveukupne pokazatelje iz segmenata sigurnosti: kriminaliteta, saobraćaja i aktivnosti policije, tokom izvještajnog mjeseca 2024. godine u odnosu na uporedni mjesec 2023. godine zaključuje se da je sigurnosna situacija u Federaciji Bosne i Hercegovine na zadovoljavajućem nivou osim stanja javnog reda i mira.

⁶ Pokazatelji prezentovani u tabeli na strani 32., tabela 29.

⁷ Vidjeti tabelu broj 32